

新刊經進詳註昌黎先生文集

新刊經進詳補註昌黎先生文卷第二十八

碑銘

曹成王碑

補註太宗十四子曹王明最季臯其明
之元孫新舊史皆有傳母太妃鄭氏公
嘗曰九為文詞宜畧識字
此哀兵以下皆奇字也

王姓李氏諱臯字子蘭謚曰成謚法曰安民其

先王明以太宗子國曹絕復封傳五王至成王

新史曹王明太宗之子母本巢王元吉妃正觀
二十一年始王曹果為都督刺史高宗詔後巢
王宋隆中坐太子賢事降王零陵逼殺之三子
俊傑備俊嗣王傑為黎國公垂拱時並及謀神
龍中以傑子祚為嗣曹王武后時諸王子孫皆
遷嶺外後備南遷詔停祚封而封備備薨開元

二十一年復封薨子戢嗣戢子臯成王嗣封在玄宗世天寶十載也

蓋於時年十七八紹爵三年而河南北兵作安時

史為亂兩京陷沒天下震擾王奉母太妃鄭氏逃禍民伍

得間走蜀從天子言從間道入蜀也漢高紀頗師古曰間空也投空隙而行

不公顯也走音天子念之自都水使者拜左領

軍衛大將軍轉貳國子秘書王生十年而失先

王哭泣悲哀弔客不忍聞喪除痛自刮磨豪習

委已於學稍長重殖用知人情急世之要取一

不通侍太妃從天子于蜀既孝既忠持官將一作

持身內外斬斬由是朝廷滋欲試之於民上元

元年除温州長史行刺史事江東新刻於兵郡

旱飢民交走死無弔王及州不解衣下令招鎖

擴門招挾也蒲侯切切悉棄倉實與民活數十萬

人奏報外秩少府監與音平素賊仍徙秘書兼

州別駕廣異記曰上元初豆盧榮為温州別駕

州公主隨在州數年寶應初臨海山賊素晃攻

下台州公主女夢其父云浙東八州素晃所陷

汝母不早去必令艱辛言之且泣公主乃移居

福州福州陷輕身走去卒如夢中所言今碑云

兼州別駕當是代豆盧榮爾舊史云自溫長史

改處州別駕行州事以良政聞新史不載而公

誌亦以為溫部告無事遷真鎮一作于衡法成今

脩治出張弛聲生勢長治出張弛言治道達變

武之道長丈切觀察使噓媚不能出氣媚妬也莫報切舊音墨

誣以過犯御史助効一作非之貶潮州刺史楊炎起

道州相德宗時楊炎坐元載累貶道州司馬德宗在東宮雅聞其名及即位崔祐

甫薦炎可器任即還王于衡以直前謾莫干切

拜為相唐史有傳王之遭誣在治念太妃老將驚而戚

出則囚服就辯律云諸獄結正之日徒已上呼因家屬具告罪名仍取囚服辯

入則擁笏垂魚坦坦施施即貶于潮以遷入賀

坦施自得之意即就也及是然後跪謝告實初觀察使殘

虐使將國良戍界良以武岡叛成一作戍衆萬人

歛兵荆黔洪桂伐之二年尤張於是以王帥湖

南

舊史云建中元年進拜湖南觀察使前帥辛京果貪虐使部將王國良戍武岡縣其屬即

効以死國良恐據縣反歛四川兵討之再將五歲不能下

淵源將國良王姓武岡郡州縣將五

萬士以討良為事王至則屏兵投良以書中其

忌諱良羞畏乞降狐疑進退

風俗通曰里語稱狐欲度河無如尾

何狐性多疑故俗有狐疑之說

王即假為使者從一騎蹕五百

里抵良壁鞭其門大呼

火故切

我曹王來受良降

良今安在良不得已錯迕迎拜盡降其軍太妃

薨王棄部隨喪之河南葬及荆被詔責一作還

會梁崇義反

山南東道節度使按舊史建中二年

王遂不敢辭以

還外秩散騎常侍明年李希烈反

淮西節度使時建中三年

十月遷御史大夫授節帥江西以討希烈江西道領

岳鄂汚命至王出止外舍禁無以家事關我哀

兵哀聚也切大選江州群能著職言選江州府能

之以職事也江謂潁江之州江西道八州也一

將吏得忻壯之鍾陵洪州也若言江州王親教

之搏力勾卒羸越之法本傳云團力素兵法搏

越即越王勾踐所制杜預云言曹誅伍卑卑舊

必利切按周礼族師之所掌五家為比十家

教之則此卑當讀為伍比之比蓋伍卑之中有

或作俾言毗至艦步二萬人以與賊還艦大紅

切與上同音

遇也五故切 **最鋒蔡山踞之** 通典曰蔡山在蕪州廣濟縣出大龜尚書九江

納錫大龜即六最一舉盡鑿也言達使 **剌斬之** 切監僵也音蒲墨切左傳曰晉人踞之

黃梅大縣長平 刺刻也音一圓切黃梅縣屬蕪州有黃梅山因以為名縣柔之

也音忍九切 **鏤廣濟撤蕪春撤蕪水** 鏤鏤也六長平亦地名

切說文曰兩刃木柄可以刈草撤軒也許言切 **蕪水** 廣濟蕪春蕪水三縣皆屬蕪州撤一作撤按字

書無撤字 **撤黃岡** 撤拾也都活切黃岡縣

擊也音醫 **漢陽行趾以川** 笑箸也古業切又音甲趾路也

者用英趾猶莊子秋水篇此黃泉漢陽以川二

縣屬沔州州理漢陽以音又辨證云退之性不

喜書常云九為文詞宜畧識字如曹成王 **還大**

膊蕪水界中 膊蕪也頗洛披安三縣誅其州斬切見溪堂詩

偽刺史標光之北山

披裂也舊音昔藥切安州之三縣也偽刺史希烈所

置安州刺史王嘉祥梟其首於 隋光化 光州之北山也標音匹搖切 食也

音池蓋坊按唐書地理志及通典隋州為漢東郡治隋縣又有光化縣九域志太本朝熙寧元

年廢光化縣為鎮入隋一以為今之徐城鎮也事也今之光化軍即襄州穀城縣之徐城鎮也事

見歐陽棣其州十抽一推 也推擊也 救兵州東

北屬鄉 言拘籍三州之人十戶抽一為兵以待

推擊又留救兵分屬三州各屯於其州之東北以為扞蔽使賊不得南向也史記秦紀王翦攻

關與獠陽皆并為一軍剪將十八 還開軍受降

大小之戰三十有二取五州十九縣 之一字民

勸春黃梅廣濟蘄水蘄縣黃岡黃州縣漢陽以川本汾州二縣武德四年以縣置汾州其後廢

置不常臯其時汾未廢以水城沉光化隋州屬
鄉亦隨州也舊史云下州四縣十七而此云五
州十九縣者又取汾及老幼婦女不驚市買不
漢陽以川二縣故也

變田之果穀下無一跡加銀青光祿大夫工部

尚書最戶部再授節臨荆及襄貢食三百食邑三百

戶也舊史云正元初拜江陵尹荆南節度使江
漢時臯為固希烈既平吳少誠殺陳仙奇上以

襄鄧要阨三年除襄州刺史山王之王之在兵天子

南東道節度等使割汝隋隸焉

西巡于梁希烈北取汴鄭東略宋圍陳西取汝

毫東都王坐南方北向落其角距賊死咋不能

入寸尺土咋大聲也音側華切將卒十萬盡輸其南州王

始政於溫終政於襄常平物估賤歛責出民用

有經一吏民使令

一六吏一
執民便利

家聽戶視茲无

宿府中不聞急步疾呼治民用兵各有條次

傳為法任馬尋伊慎王鐸將

絕句音
息亮切

王偕能盡

其力

言善仕之俱得其死力也
補將校伊謹李伯潛劉旻為大將擢王鐸

為中軍以馬尋許孟容為
賓佐上所謂群能著職也

既薨贈右僕射

舊史
云正

元八年三月暴
卒于位年六十元和初以子道古在朝贈太子

太師道古中進士第歷司門郎刺利唐隨睦召

為少宗正兼御史中丞以節督黔中朝京師政

命觀察鄂岳蘄沔安黃提其師以伐蔡且行且

泣曰先王討蔡實取沔蘄安黃寄惠未亡今余

亦受命有事于蔡而四邑適在吾封庶其有集

先王薨於今二十五年矣一無吾昆弟在而墓

碑不刻無文其實有待子無用辭乃序而請

一作其
辭曰

太支十三曹於弟季太宗十四子其支子或亡

或微曹始就事明之祖王畏塞絕遷零王黎公

不聞僅存子父易封三世守名延延百載以有

成王成王之作一自其躬文被明章武薦峻功

左傳歲哀伯曰火龍黼黻昭其文也五色比象

昭其物也錫鸞和鈴昭其聲也三辰旂旗昭其

明也文物以紀之聲明以發蘇枯弱彊猷其姦

之章謂章服也峻與雋同

倡口齧齧也以報于宗以昭于王王亦有子處王

之所惟舊之親言復觀察江西蹶蹶陞陞實取

一作實似蹶蹶趨見如衛切陞陞者言道古之

裳裳者華詩曰惟其有之是以似之刻詩其碑為示無止

息國夫人何氏墓誌銘

唐外命婦之制文武官一品及國公母妻為國夫人三品以上母妻為郡夫人

四品母妻為郡君五品母妻為縣君

貞元十五年靈州節度使御史大夫李公諱藥

其鄰韓愈則河南人守邊有勞詔曰藥妻何

氏可封息國夫人元和二年李公入為戶部尚書

龔夫人遂專家政公之男五人女二人而何氏

出者二男二女夫人教養一作一女嫁娶如一

雖門內親戚不覺有纖毫厚薄一作御僮使治

居第生產皆有條序居卑尊間無不順適命服

在躬承祀孔時年若干元和七年甲子日南至

以病卒明年八月庚寅葬河南河陽夫人曾祖

某綏州刺史祖某潞州別駕父某晉州錄事參

軍二男戡左威衛胄一作曹參軍成左清道率

府錄事參軍戡強以肅成敬以將葬戡

與成以其事乞銘於其鄰韓愈愈乃為銘曰

男圭

一作子

外事治不為易施于其家難於

一作其難

吏治又況公侯族大而貴夫人是專厥聲惟懿
昔在貞元有錫自天啓封備服以疇時勲婉婉
夫人有籍宮門克承其後以嫁以婚隨葬東土
在河之陽遙望公墳而不同藏

試大理評事王君墓誌銘

王君

王介甫云退之善為銘如王適張徹尤奇

君諱適姓王氏好讀書懷奇負氣不肯隨人後
舉選絕句見功業有道路可拍取而名節可以戾
契致上鍊結切下苦結切困於無資地不能自出乃以干

諸公貴人借助聲勢諸公貴人既志得皆樂熟

媚耳目者不喜聞生語一見輒戒門以絕上初

即位補注謂也以四科募天下士君笑曰此非吾

時耶即提所作書緣道歌吟超直言試既至對

語驚人元和中初舉賢良方正直學不中第益困

之間金吾李將軍名倕大將軍卷有墓誌銘年

少喜士可撼乃踣一作踏門告曰天下奇男子王

適願見將軍白事一見語合意往來門下盧從

史既節度昭義軍張其言從史驕橫奴視法度

士欲聞無顧忌大語有以君生平告者即遣客

鈎致君曰狂子不足以共事立謝客李將軍由

是待益厚奏為其衛曹倉叅軍充引駕仗判官

盡用其言將軍遷帥鳳翔君隨往改試大理評

事攝監察御史觀察判官櫛垢爬痒肥搔也民

獲蘇醒居歲餘如有所不樂一旦載妻子入閔

鄉南山不顧閔縣名屬虢州中書舍人王涯獨

孤郁吏部郎中張惟素比部郎中韓愈日發書

問評顧不可強起強其不即薦明年九月病興

鑒京師其月某日卒公為比部郎中在元和八年三月其明年九月即元

和九年四月一作十月某日葬京城西南長

安縣界中曾祖爽洪州武寧令祖微右衛騎曹

參軍父嵩蘇州崑山丞妻上谷侯氏處士高女

高固奇士自方阿衡太師阿衡謂伊尹世莫能

用吾言再試吏再怒去發狂投江水李習之集云侯高字

玄覽上谷人火為道士學黃老練氣保形之術

居廬山号華陽居士每激發則為文達意其高

趣駿駿乎漢魏之風性剛勁懷救物之志自周

昌王陵所如固不合視貴善官者如冀搜與平

南獨孤助用野昌黎韓愈退之隴西李渤濬之河

兵士殺留後陸長源東取劉逸准乃作弔汴州

文投之大川以許貞元十五年某遇玄覽於蘇

州出其詞示某謂孟東野曰我識之至者必上

通上帝聞劉逸准竟死其首章曰穹穹與厚厚

兮烏予憤而不懣某以為與岳原宋玉景差相

上下自東方朔嚴忌皆不及也達奚撫為楚州

三

起攝軒貽祭酒李公遜刺衢州請治信安其觀
察浙東又宰於剡三縣皆有政不幸得心疾留
其子適使傭告勉求君所如值君卒告勉以君
喪葬於襄州之野而復遇適適又死適之妻使
勉來告某以狗兒歸適妻居二年不死狗兒尚
童某慮吉勉之短長不可期則君之喪終不墳
矣故使吉勉往葬之而識其墓以示狗兒焉
初處士將嫁其女懲曰吾以齟齬窮悴一女憐
之必嫁官人不以與九子君一作九子曰吾求婦
氏久矣惟此翁可人意且聞其女賢不可以失
即謾謂媒媼委羽切吾明經及第且選即官人
時重明經科故給言以動之侯翁女幸嫁若能
且選言將就吏部銓選也令翁許我請進百金爲媼謝諾許白翁翁曰誠

官人耶取文書來君計窮吐實嫗曰無苦翁大

人寬大之人也不疑人欺我得一卷書粗若告身者

通典曰九吏部銓選上於三省三省既審然後給以符而印其上謂之告身其文曰尚書吏部

告身之印自出身之我袖以往翁見未必取耶

幸而聽我行其謀翁望見文書街軸果信不疑

曰足矣以女與王氏生三子一男二女男三歲

夭死女嫁亳州永城尉姚佺他頂切其季始十歲

銘曰

鼎也不可以柱車馬也不可使守閭佩玉長裾

不利走趨抵轂其逢不繫巧愚言既有其器當俟於時用捨非

人也由於不諧其湏有銜不祛鑽石埋辭以列幽墟

扶風郡夫人盧氏墓誌銘

夫人姓盧氏范陽人亳州城父丞序之孫吉州

刺史徹之女嫁扶風馬氏爲司徒侍中莊武公

之冢婦莊武公馬燧二子長曰彙娶鄭氏集
有行狀次曰暢娶盧氏今言冢婦誤也

少府監西平郡王贈工部尚書之夫人西平王
者燧之

子初司徒與其配陳國夫人元氏惟宗廟之尊

重繼序之不易以賢其子之才求婦之可與

齊者內外親戚咸曰盧某舊聞承守不失其初

其子女聞教訓有幽間之德爲公子擇婦其莫

如盧氏媒者曰然卜者曰祥夫人適年若干入

門而媼御皆喜

媼老稱也烏老切幽州及漢中皆謂老媼為媼

既饋而

公姑交賀克受成福母有多子為婦為母莫不

法式天資仁恕左右媵侍常蒙假與顏色人人

莫不自在杖婢使數未嘗過二三雖有不懌未

嘗見聲氣元和五年尚書薨夫人哭泣成疾後

二年亦薨年四十有六九年正月癸酉祔于其

夫之封長子教殿中丞繼祖孝友以類

大雅既醉之詩

曰孝子不匱永錫以類善也

葬有日言曰吾父友惟韓

丈人視諸孤其往乞銘以其狀來愈讀曰嘗聞

乃公言然顏師古曰乃汝也方言曰吾宜銘銘

曰

陰幽坤從惟德之恒胡登切出為辯強乃匪婦

能淑哉夫人夙有多譽來嬪大家不介父母有

事賓祭酒食祗飭協于尊卑畏我一作侍側及

嗣內事亦莫有施齊其躬心小大順之夫先其

一作不失歸有室有丘合葬有銘壺彝是收六彝兩

宗廟裸獻之器
見周禮春官

殿中侍御史李君墓誌銘

補註李虛中
武元衡出劍南奏為察推
今武侯

祠碑陰題名
虛中在焉

殿中侍御史李君名虛中字常容其十一世祖
沖貴顯拓拔世父憚音河南溫縣尉娶陳留太
守薛江童女生六子君最後生愛於其父母年
以長喜學學無所不通最深於五行書以人之
始生年月日所直日辰支干相生勝衰死相主
上息亮切斟酌推人壽夭貴賤利不利輒先處
下于況切其年時百不失一二其說汪洋奧義美一作非關節
開解萬端千緒參錯重出學者就傳其法初若
可取卒然失之星官曆翁莫能與其校得失有命

書格局二進士及第正元中試書判入等通典

吏部選才將親其人覆其吏事如取州縣按牘疑義試其斷割而觀其能否此所以為判也後

日月浸久選人多索牘淺近不足為難乃誅經籍古義假設甲乙令其判斷既而來者益衆

而通經正籍又不足以為問乃微僻書曲學隱伏之義問之惟懼人之能知也佳者登于科第

謂之入等其甚拙者補秘書正字母喪去官卒謂之藍縷各有昇降

喪選補太子校書河南尹奏疏授伊闕尉佐水

陸運事故宰相鄭公餘慶繼尹河南以公為運

佐如初宰相武公元衡之出劔南奏集為觀察

推官授監察御史未幾御史臺疏言行能高不

宜用外府即詔為真御史半歲分部東都臺遷

殿中侍御史

唐志東都留臺有中丞一人侍御史一人監察御史二人

史三人元和後不置中丞以侍御史中丞一人監察御史一人留臺而巳而三院御史亦不常備

元和

八年四月詔徵既至宰相欲白以為起居舍人

經一月疽發背

疽癰也

六月乙酉卒年五十二

其年十月戊申葬河南洛陽縣距其祖澠池令

府君僑墓十里也君昆弟六人先君而歿者四

人其一人常為鄭之榮澤尉信道士長生不死

之說既去官絕不營人事故四門之寡妻孤孩

與榮澤之妻子衣食百須皆由君出自初為伊

闕尉佐河南水陸運使授兩使經七年

絕不去

所以爲供給教養者及由蜀來輦類御史皆樂
在朝廷進取君獨念寡稚求分司東出嗚呼其
仁哉君亦好道士說於蜀得秘方能以水銀爲
黃金服之則真果不死將疾謂其友衛中行大
受韓愈退之曰吾夢大山裂流出赤黃物如金
左人曰是所謂大還者左人者夢中所見左今
三年矣一有君字既歿愈追占其夢曰山者艮艮爲
背裂而流赤黃疽象也大還者大歸也漢楊王孫曰鬼
之爲言歸也其告之矣妻范陽盧氏鄭滑節度使兼
御史大夫羣之女與君合德親戚無一退言石

作間言子男三人長曰初協律次曰彪其幼曰還

適三歲女子九人銘曰

不羸一作其躬以尚其後人

新刊經進詳補註昌黎先生文卷第廿八

新刊經進詳補註昌黎先生文卷第二十九

墓誌

朝散大夫商州刺史除名徙封州董府君

墓誌詔

唐史有傳
晉傳後為糧判使時坐盜軍資流封州
憲宗懷其輕詔中使半道殺之誌
第云死湘中諱之也權德輿傳云

公諱溪字惟深丞相贈太師隴西恭惠公第二

子宰相世系曰董氏出自姬姓黃帝裔孫有賜

叔安者生董父舜賜之姓董氏裔孫辛有其

子孫分適晉有董狐裔孫驥頃羽封為翟王都

高奴子孫遂居隴西漢江都相仲舒少子之孫

自廣川徙隴西裔孫徙河東仁琬生大禮大禮

生伯良新浦主簿伯良生晉字琨成相德宗封

大

隴西恭惠公

十九歲明兩經獲第有司沉厚精敏未

嘗有子弟之過賓接門下推舉人士侍側無虛
口退而見其人淡若與之無情者太師賢而愛
之父子間自爲知己諸子雖賢莫敢望之太師
累踐大官臻宰相致平治終始以禮号称名臣
晨昏之助盖有賴云曲禮夫子之禮冬太
溫而夏清昏定而晨省太
師之平汴州年考益高挈持綱維鋤削荒類作
頑納之大和而已類然即其囊篋細碎無所遺
盧對切
涌繁公之功上介尚書左僕射陸公長源蔭差
太師言年齒
差次也標望絕人聞其所爲每稱舉以戒

其子楊凝孟叔度以材德顯名朝廷及來佐幕

府詣門請交屏所挾為太師薨始以秘書郎選

一作遷

叅軍京兆府法曹日伏階下與大尹爭是

非大尹屢黜已見歲中奏為司錄叅軍與黯一

府政以能拜

書一有字

度支貲外郎遷倉部郎中

萬年令兵誅恒州

王承宗據恒州以叛國号趙

改度支郎中

攝御史中丞為糧料使兵罷遷商州刺史糧料

吏有忿爭相牽告者事及於公顯

一作因

徵下御

史獄公不與吏辯一皆引伏受垢除名徙封州

死湘中年若干

本傳云坐盜軍資流封州至長沙賜死按公送陸暢歸江南詩

曰我實門下士力薄納與蚊受恩不即
報永負湘中債則溪亦權葬長沙矣

明年立

皇太子

元和七年七月乙亥立遂王宥為皇太子

有敕令許歸葬其

子居中始奉喪歸元和八年十一月甲寅葬于

河南河南縣萬安山下太師墓左夫人鄭氏祔

公九再娶皆鄭氏女生六子四男二女長曰全

正惠而早死次曰居中好學善為詩張籍稱之

次曰從直次曰居敬尚小長女嫁吳郡陸暢其

季女後夫人之子公之母弟全素孝慈友弟公

生事棄同官令歸公歿比葬三年哭泣如始喪

者大臣高其行白為太子舍人將葬中舍人與

其季弟澥問銘於太史氏韓愈愈則為之銘辭曰

物以久弊或以輾毀輾車所踐也郎狄切輾考致要歸孰有彼此由我者吾不我者天斯而以然其誰使然

貞曜先生墓誌銘

圖國孟郊新舊史皆附公傳後新傳云湖州武康人故誌云二季鄭郾皆在江南郊登科以正元十二年而死以元和九年弟進士時年四十六東野在唐以詩名唐人謂孟詩韓筆故公志及銘皆以詩稱之

唐元和九年歲在甲午八月乙亥貞曜先生孟

氏卒無子其配鄭氏以告愈赴位泣一作哭且召

張籍會哭禮聞朋友之喪則為位明日使以錢以哭之公時為考功郎

如東都供葬事諸嘗與往來者咸來哭弔韓氏

遂以書告興元尹故相餘慶書在弟十九卷閏月樊宗

師使來弔宗師時以太子舍人持服居東都告葬期徵銘於愈

愈哭曰嗚呼吾尚忍銘吾友也夫興元尹以幣

如孟氏賻賻助也所以贈終公羊傳曰貨財曰賻特遇切且來商家事

樊子使來速銘曰不方九則無以掩諸幽乃序

而銘之先生諱郊字東野父庭玢娶裴氏女而

選為崑山尉崑山縣屬蘇州生先生及二季鄩郢而卒

先生生六七年端序則見長而愈奮涵而捺足

一作端序有法而愈奮涵而捺之非是內外完好色夷氣清可畏

而親及其為詩劇目鉢心物迎縷解鈎章棘句

招擢胃腎神施鬼設間見層出言郊工於五言萬物皆備被駭

刻也劇姑備切鉢食律切說文曰劇刈傷也鉢

也辨證也吳都賦曰吳鈎越棘注云鈎劍也棘戟

大率謂郊多窮苦之音辭一傳亦云郊為詩有

理致最為愈所稱然思二苦謝云東坡有讀孟郊

詩二篇云夜讀孟郊詩細字如牛毛寒燈照昏

花佳處時一遭孤芳擢荒穢苦語餘詩騷水清

石鑿鑿端激不受蒿初如食小魚所得不償勞

又似黃彭越竟日爵空螯要當鬪僧清未足當

韓豪人生如朝露日夜火消膏何苦將兩耳聽

此寒蟲號不如且置之飲我玉色醜蓋狀其窮

苦之碎如此又一詩云我憎孟郊詩復作孟郊
語飢腸自鳴喚空壁轉飢鼠詩從肺腑出出轉
愁肺腑有如黃河魚出膏以自黃尚愛銅斗歌
鄙俚頗近古挑弓射鴨罷獨連短蓑舞不憂路
與踏浪兒不識離別苦歌君江湖曲感我長羈
旅蓋東坡以才勝人視郊為不足至唯其大詭
於佳句復表而出之亦韓之意也

於詞而與世採掇人皆劫劫我獨有餘朱荏詩

荏薄言掇之注云掇拾也有以後時開一作先

生者曰吾既儕而與之矣其猶足存耶二人為

預薦書不第雖已後時其猶足恤邪言當終老

以進士舉也其後三獻孟先生詩論之詳矣與

預年幾五十始以尊夫人之命來集京師從進
士試既得即去時貞元十二年也按青箱雜記

云郊下第詩曰弃置復弃置情

如刀劍傷又再下第詩曰兩度長安陌羞將淚
見花其後及第詩曰昔日齷齪不勝嗟今朝曠
蕩思無涯青春得意馬蹄疾一日看盡長安花
大九進取得失蓋亦常事而郊器宇不宏偶下
第則其情墮獲如傷刀劍以至下淚泊後登科
則其志充溢若無所容一日之間花即看盡何
其速也後郊授漂陽尉竟間四年又命來選為
死焉登第在正元十二年

漂陽尉迎侍漂上

唐史漂陽有披金瀨平陵城林薄蒙翳下有積水郊往水

旁裴徊賦詩而曹務多廢令白府以假尉代分其半俸王子思詩話云史稱郊為詩有理致最為韓愈所稱然思奇遊宜其坐廢曹務也郊少隱嵩山使不遇愈高蹈避世特終身焉郊之於官可責其廢事哉漂陽去尉二年而故相鄭公將屬宣州有漂水音栗尹河南奏為水陸運從事試協律郎親拜其母於門內餘慶賢郊拜及其母也母卒五年而鄭公以節領

興元軍奏為其軍參謀試大理評事挈其妻行

之興元次于閬鄉暴疾卒

興元縣屬獍州

年六

十四買棺以歛以二人輿歸鄆郢皆在江南十

月庚申樊子合九贈賻而葬之洛陽東其先人

墓左

小說載退之贈賈島詩云孟郊死葬北邙山日月星辰頓覺開天恐文章渾幽絳再

生賈島在人間前輩云世俗以餘財付其家而無知者所託非退之語也

供祀將葬張籍曰先生揭德振華於古有光賢

者故事有易名况士哉如曰貞曜先生則姓名

字行

下孟切

有載不從

一作待

講說而明皆曰然遂

用之初先生所與俱學同姓簡於世次為叔父

一作待

講說而明皆曰然遂

用之初先生所與俱學同姓簡於世次為叔父

執

曲禮曰見父之執注云父同志也

由給事中觀察浙東曰生

吾不能舉死吾知恤其家銘曰

於戲貞曜

於音烏戲虛切歎辭也

維出不訾維持不倚

維執不倚惟出不訾貧也維出不訾維持不倚

貧同若曰不訾貧也維卒不施以昌其詩

言其中立不倚則維卒不施以昌其詩

詩倚也於宜切言有不訾不倚之德不獲施用所以卒窮於詩也

昌其身邪昌其詩也東坡常舉此以問王定國當

之云昌身如飽腹飽盡還復飢昌詩如膏面為

人作容姿不如昌其氣鬱鬱老不妻雖云老不

衰却壞安所之不如昌其志志一氣自隨養之

秘書監贈絳州刺史獨孤府君墓誌銘

唐史有傳補新傳及字至之喜鑒拔
後進如梁肅高叅崔元翰陳京齊坑皆
師事之補傳所書與志同憲宗尊補德
與有郁之佳婿詔宰相高選士族故注
之得郁此則志所無傳又云子庠字賢
府而志云天官豈天官庠之小字耶舊
史公傳云大曆正元間獨孤及梁肅為
儒林推重愈從其徒游然及與之周旋
曆十二年公時始十歲尚及與之周旋
耶蓋謂從其徒梁肅游也

君諱郁字古風河南人

宰相世系曰獨孤氏出

獻王輔五世孫度遼將軍進伯擊匈奴兵敗被

執囚之孤山下生尸利單干以為谷蠡王号獨

孤部尸利六世孫羅辰從後魏孝文常州刺史
從洛陽為河南人初以其部為氏
贈禮部侍郎憲公諱及之弟二子唐傳云及字

以道舉高第補華陰尉仕終常憲公躬孝踐行

州刺史卒年五十三諡曰憲篤實而辯於文勸飭拍誨以進後生名聲垂延

紹德惟克舊史大曆正元之間文士多尚古學

肅家稱淵奧儒林推重愈從其徒遊銳意鑽仰

欲自振於一代洎舉進士投文於公獨問故相

鄭餘慶頗為延譽君生之年憲公歿世按崔祐甫祭憲

由是知名於時公之文即大與其兄則畜於伯父氏伯父諱況

曆十二年也用晦墓誌云即字用晦常州刺史贈太子太保

憲公之長子憲公育文章名於大曆中每為文

輒為後進所傳焉公生數歲而憲公歿與弟部

皆伯父母所養長好讀書不煩於師年二十一

與弟部同來舉進士其二年既得之矣會與十

出賦題德宗不悅幸相琦使減人數故公與十

餘人皆黜以卒伯父母無子即日歸養于蘇州

使其弟留以卒蒙由是孝慈之名稱於朋友間

以處士起佐江西宣歙浙東三府得試校書郎
協律郎元祐九年拜右拾遺上疏請令觀察使
充本道鹽鐵使場監之任悉歸州縣罷去管權
吏以除百姓之患十年盜殺宰相御史中丞傷
以免公疏請貶京兆尹殺埔盜吏事皆不行君
子壯之累奏時病有合上意者貶為興元府
倉曹叅軍三年復召為監察御史改京兆府司
錄遷殿中尋加史館修撰入省為都官貳外郎
修史如前出刺韶州復入虞部左司貳外郎
郎中數月遷權知諫議大夫敬宗御丹鳳門大
赦改元官官恩傷郭縣令崔寶曆元年改御史
請取其首為者殺之以正法寶曆元年改御史
中丞致中王元植聚韶州司馬公面陳其屈不
得請九五上疏自請罷去敬宗不許上初即位
遷公工部侍郎大和元年八月以爲福建等州
都團練觀察使兼御史中丞公瘞發於時不克
入謝病二旬九月壬子子以瘞卒年五十三天
爲之廢朝贈右散騎常侍有子孟嘗生九歲矣
夫人京兆韋氏給事中貞伯之女未仕而夫
卒十月壬午其姪庠以公之喪歸祔河南之壽

安甘泉鄉先公墓次以十月巳酉銘曰人之有生莫不皆死曰長曰短相望其幾短不足傷長不足恃要歸其盡孰有彼此公壽何迫百年中止喪車東去託胥山趾室有妻喪祭有稚子令名不忘曷始微有知則好學問咨稟教飭不煩其有已

提諭月開日益卓然早成年二十四登進士第

時故相太常權公銘在德與有墓掌出詔文望臨一

時登君於門歸以其子初權為禮部侍郎郁以書上之云郁以母舊速

獲謂叙故大賢之遇郁也亦不以常交言之際

眷意甚露郁瑣瑣鬱堙二年無聞摧頽折羽而

不喜者非失意之謂非尤人之謂蓋特因事自

罪而不喜也借如豫章生於擁腫小木之中樵

蘇見之亦以嗟矣一有不嗟則必自與擁腫者

亦不多遠也珠璣生於礫石之中童子弄之亦

已驚矣一有不驚者則必自與礫石者亦不多

遠也

錢之固亦知矣

一有不不知則必自與鉉鉉者亦不多遠也毛嫱
後於宿瘤而行有目者觀之固即分矣一有不
知則必自與宿瘤殊異則不遠也苟與乎擁腫
鉉鉉宿瘤輦果殊異則不遠也移久眼所擇況逃乎
良工巧治有識者之目也於中再擇再不中是
真已為擁腫礫石鉉鉉宿瘤矣何止與斯不遠
哉此所以因事自罪而不喜也或諭之曰今子
之道何光乎子之所不振者晦過也子之道豐部
也子且有辟天之才而隱植之有照乘之珠而
密積之有切玉之利而謹撓之有傾都之艷而
深惟之雖使離婁左執光而右執皆迫而索之
固亦不能知矣子何不執光而不移植露光披鋒示良使
識者觀而駭之彼之所誨固亦不利也且遍過於有
必不才也而不自實也後之妹也己不利也且遍過於有
識者之目是也雖小示其短也己必才也必實也必
妹也必利也雖小示其短也己必才也必實也必
亦已多矣所以不驚者是四事果不足異於凡
也郁病直拙獨大賢於郁分殊尚不能以亟亟
況悠悠者與郁常行乎時輦之間多酌其言語
善者鄙者自減盈消息其旨稍有可驚不敢不

於許言此者言之今之後學者或嘆曰長後來為
所歸哉此非宜長者所當聞也亦非宜長者所
不當聞也今朝廷先達病在不能公之或能公
而不為力也覽其文則贊美稱歎無不至也其
間善惡輕重進退則心以引矣此其所以為公
也鮮有知其善而風鼓之以不啻若自口出此其
所以為公不能盡力致違違之倫共下才者亦
曰今夫在位者其無公歟其無公歟有一善未
嘗肯稱也是使諸子竊竊然自以無聞為不辱遂
我符也捷趨邪紛虐於主司之賢不肖而曹趨之
譽則不詰其所以致譽者之賢不肖而曹趨之
矣此實今之驟進苟得之風也其在朝廷大賢主
而名之驅而正之使四方學士知嚮方焉何如
其曰非我事也舉朝廷皆曰非我事也苟非我事則
非我事也舉朝廷皆曰非我事也苟非我事則
無所不非我事也舉朝廷皆曰非我事也苟非我事則
乃以寂寥乎昔孔子飭詩書禮樂則天地之間無
而至天下使孔子亦曰非我事則今者安盡聞
夫七十子之賢詩書禮樂之盛七十子亦曰非

我事也又孰為播孔子之聖如此其大乎今文亦如是期廷先達亦如是後之達者亦如是等

不相播則人文禮義知已復往之道不幾乎息矣郁不肖辱承大賢心深矣非又敢以假喻自

萬意欲以大賢擇眾賢而使七十子之徒亦選方孔子於大賢也何如時貞元十三年也

授協律郎署君為鎮國軍判官奏授協律郎

朋遊一作友益附盛字華問彌大元和元年對詔

策拜右拾遺二年兼職史館四年遷右補闕詔

中貴人承瓘姓立突將兵誅王承宗河北君奏

疏諫召見問狀有言動聽其後上將有所相亮

切不可於眾君與起居舍人李約交章指摘事

以不行五年遷起居郎為翰林學士杜牧作此陽公注

歲六憲宗時宰相權德輿有晉為翰林學士帝
愛其材因命宰相曰我嫡女既笄可嫁可求獨
孤之此後丞相吉甫以杜琮告國史補曰獨孤
郁廬掌內外綸誥有美名憲宗嘆曰我女豈不
如德輿愈被親信有所補助權公君一作既相君
以嫌自列改尚書考功員外郎復史館職七年
以考功知制誥入謝因賜五品服八年遷駕部
郎中職如初權公去相復入翰林九年以疾罷
尋遷秘書少監即閑居于郊十年正月病遂殆
也甲午輿歸卒於其家年四十男子二人長曰
某卓死次日天官始十歲有至行一作聞呼父
官與聞弔客至輒號泣以絕府本傳云子庠字賢

府後舉進士仕至

尚書左丞天官更名

女子一人夫人天水權氏贈太子

太保貞孝公阜之承孫故相今太常德輿之女

胤慶配良是似公

一作

是宜四月己酉其兄右拾

遺郎以喪東葬河南壽安之甘泉鄉家塋憲公

墓側將以五月壬申窆

窆下棺也破驗切

謂愈曰子知

吾弟久敢屬以銘銘曰

於乎古風襍順而裏方

襍表也說文曰黼領謂之襍音伯各切

不

耀其章其剛不傷戴美世命而年再不羸惟後

之成

羸長也再不羸謂不能與其父及也

虞部員外郎張府君墓誌銘

尚書虞部員外郎安定張君

涇州為安定郡

諱季友字

孝權年五十四病卒東都明年兄子塗與其弟

庾挾等護柩歸葬長安縣馬額原夫人北海唐

氏之封

封墳也季友卒葬此誌不書其年月日以祭文考之則元和十年也季友與公

皆同年進士第

前事塗進韓氏門伏哭庭下曰叔父且死

幾於不能言矣張目而言曰吾不可無告韓君

別

絕句

藏而不得韓君記猶不葬也塗為書致吾

意

絕句

已而自署其末與封敢告以請愈既與為

禮發書去去其末有複語千萬永訣八字

復重也

音古穴切別賦設北梁

名曰

永辭注訣別

永長也

名日月與封皆孝權迹

孝權與余同年進士其上世有冒者當宇文時
爲車騎大將軍郿城太守卒葬河北謚曰忠公

謚法危身
奉上曰忠

至孝權間五世矣孝權大父諱孝先

太子通事舍人父諱庭光贈絳州刺史綏州之

卒孝權蓋尚小母曰太原縣君縣君卒既葬孝

權守墓樹松柏三年而後歸選爲河南文學去

官徐州使拜章請爲判官授協律郎孝權始不

痛絕詔下大悔即詐稱疾不言三年元和初徐

使死孝權疾即日已試判入高等授鄆縣尉明

年故相趙宗儒鎮荆南以孝權爲判官拜監察

御史經二年拜真御史明年分司東臺轉殿中
按皇甫氏子母病不侍走京師求試職宰相怒
曰吾故皇甫氏御史助所善相戲法侮我皇甫
媪何疾衙未決皇甫母病果死得解遷留司虞
部員外郎孝權為人孝謹與人語悲傷之而時
疑疑有立與孝權游者極衆而獨以其死累余
可尚也已足爲銘銘亡

檢校尚書左僕射右龍武統軍劉公誌銘

唐史有傳
也憲宗惡昌裔自立欲召之而重生變
宰相李吉甫曰陛下乘人心愁苦可召
也遂以韓臯代之至長樂驛知帝意因

補風眩卧第歲中卒與此
誌小異誌其為之諱邪

公諱昌裔字光後太彭城人

宰相世系曰劉氏出自祁姓帝堯降

唐氏子孫生子有文在其手曰劉累因以為名
後以為氏至漢高祖封其母弟交為楚王王蜀
城子孫家焉彭城劉氏曾大父諱承慶湖州刺史大父巨

敖好讀老子莊周書為太原晉陽令再世官北

方樂其土俗遂著籍太原之陽曲曰自我為此

邑人可也何必彭城父訟贈右散騎常侍公字

少好學問始為兒時重直用遲不戲怕若有所

思念計畫及壯自試以開吐蕃說于邊將不售

入三蜀從道士游久之蜀人苦楊琳寇掠公策

舡往說琳感欵雖不即降約其徒不得為虐琳

降公常隨琳不去

賜琳本傳作賜惠琳云惠琳順命拜瀘州刺史署昌高州

佐琳死脫身亡沈浮河朔之間建中中曲環招

起之為環檄李納拍摘切刻納悔恐動心恒魏

皆疑惑氣懈環封奏其本德宗稱焉

建中二年曲環傳云

環為邠龍行營節度使表昌裔為判官李納李正己之子時舉兵與環爭濮州環之會

下濮州戰白塔救寧陵襄邑擊李希烈陳州城

下公常在軍間

濮州屬淄青寧陵襄邑二縣屬宋州李希烈之陷汴也環守寧

陵戰陳州斬賊三萬五千級擒其大將翟崇暉希烈平敗節度陳許環領陳許軍

公因為陳許從事

唐誌陳許節度使治許州賜号忠武軍

以前後

功勞累遷檢校兵部郎中御史中丞營田副使

吳少誠乘環喪引兵叩城留後上官說本傳作說音始

銳咨公以城守所以能檢一作擒誅叛將為抗拒

令敵人不得其便圍解拜陳州刺史曲環之卒

誠以蔡拒命引兵薄城浚欲遁去昌裔力止之即募突將千人鑿城以出擊賊走之兵馬使安

國寧謀應賊韓全義敗引軍走陳州來入保公

自城上揖謝全義曰公受命誼蔡何為來陳公

無恐賊必不敢至我城下明日領騎一有步字十餘

抵全義營全義敬馬喜迎拜歎息殊不敢以不見

舍音望公全義傳云德宗以全義為淮西道招討使以陳許節度上官洸副之諸鎮

大皆屬全義全義無它方略号令悉稟政一作監軍既戰廣利城師潰退入陳望怨也故

授陳許軍司馬上官說死拜金紫光祿大夫檢

校工部尚書代說爲節度使本傳云流卒軍中

度命界上吏不得犯蔡人曰俱天子人奚爲相

傷九域志曰許州潁昌府南至本府界一百少

誠吏有來犯者捕得縛送曰妄稱彼人公宜自

治之少誠慙其軍亦禁界上暴者兩界耕桑交

跡吏不呵問封彭城郡開國公就拜尚書右僕

射元和七年得疾視政不時八年五月湧水出

他界過其地防穿不補沒邑屋流殺居人拜疏

請去職即罪詔還京師即其日與使者俱西大

熱旦

一作且

暮馳不息疾大發左右手轡止之公

不肯曰吾恐不得生謝天子上益遣使者勞問
勅無亟行至則不得朝矣天子以爲恭即其家
拜檢校左僕射右龍武軍統軍知軍事十一月
某日甲子薨年六十二上爲之一日不視朝贈
潞州大都督命郎中弔其家明年某月某日甲
子葬河南某縣某鄉某原公不好音聲不大爲
居宅於諸帥中獨然夫人邠國夫人武功蘇氏
子四人嗣子光祿主簿縱學於樊宗師士大夫

多稱之長子元一朴直忠厚使一作便弓馬爲淮

南軍衙門將次子景陽景長皆舉進士葬得日

相與選使者哭拜階上使來乞銘銘曰

提將之符尸我一方配古侯公維德不爽我銘

不亡後人之慶

夾讀作霜慶讀作卿借韻
古詩多如此事見筆談

新刊經進詳補註昌黎先生文集卷第二十九



新刊經進詳補註昌黎先生文集卷第三十一

碑銘

監察御史衛府君墓誌銘

君諱之玄字造微中書舍人御史中丞諱晏之子贈太子洗馬璿之孫家世習儒學詞章昆弟三人俱傳父祖業從進士舉君獨不與俗爲事樂施置自便父中丞薨既三年與其弟中行別曰中行字大受正元九年進士至是爲尚書兵部郎中元和十年也若既克自敬勤及先人存趾美進士續聞成宗純唯服任遂功爲孝子在不怠我恨已不及假令今得不

足自貴我聞南方多水銀丹砂雜他奇藥煖為

黃金可餌以不死煖煉也今於若丐我我即去

補註此公惟陳言之遂踰嶺阨出一本藥貴不

可得去其造語類如此以干容帥容管經略使嶺南帥且曰若能從

事於我可一日具許之得藥試如方不効曰方

良是我治之未至耳留三年藥終不能為黃金

而佐帥政成以功再遷監察御史帥遷于桂從

之帥坐事免君攝其治歷三時夷人稱便新帥

將奏功君捨去南海馬大夫安南都護馬使謂君曰

藥一無藥字幸尚可成兩濟其利君雖益厭然不能

無萬一異至南海未幾竟死年五十三子曰景
微元和十年十二月某日歸葬河南伊闕縣伊
鄉高都村祔先塋時中行爲尚書兵部郎中號
名人而與余苦請爲一無銘銘曰

嗟惟君篤所信

信音新借韻班孟堅賦去信音無實其孰信亦音

要無

有

伊要來切

弊精神以棄餘賈於人脫外累自貴

珍評

詳一作

來世述墓文

賈音古說文市也

河南令張君墓誌銘

補註

張君行十一士其字正元二年進

士其曰三人同被讒正元十九年冬也

其功曹故公以張宗赦公從江陵法曹張

章公號誌其墓又為文祭之公之為

明舊如此公時以元和十二年為裴度

君諱署字某河間人

瀛州為河間郡世系曰河

也後大父利貞有名玄宗世為御史中丞舉彈無

所避由是出為陳留守領河南道採訪處置使

數歲卒官皇考諱詢以儒學進官至侍御史君

方質有氣形貌魁碩長於文詞以進士正元二

舉博學宏詞為校書郎自京北武功尉拜監察

御史為幸臣所讒與同輩韓愈李方叔三人方

俱為縣令南方二年署時與逢恩俱

貞元五年進士

從揚江陵半歲邕管奏君為判官改殿中侍御

史不行拜京兆府司錄通典曰司錄本錄事參

簿舉彈善惡開元初改諸曹白事不敢平面視

共食公堂抑首旦旦就哺歆揖起趨去無敢問

語間居縣令丞尉畏如嚴京兆事以幹治京兆

改鳳翔尹以節鎮京西請與君俱改禮部員外

郎為觀察使判官帥他遷君不樂去京師謝

歸用前能拜三原令三原縣屬京兆歲餘遷尚書刑部

員外郎守法爭議棘棘棘一棘二字不阿改虔州刺

史民俗相朋黨殺牛牛以大耗又多捕生鳥雀

魚鱉可食與不可食相買賣時節脫放期為福

祥事君一皆禁督立絕使通經吏與諸生之旁

大郡

之往

學鄉飲酒喪婚禮張施講說民吏觀

聽徙化大喜度支符下

一作州

折民戶租歲徵縣

六千

一本歲徵縣六千七百唐百官志縣此郡承

六兩為走少府監歲漆令所掌

命惶怖立期日惟恐不及事被罪君獨疏言治

迫嶺下民不識蚕桑月餘免符下民相扶攜守

州門叫譴為賀改澧州刺史民稅出雜產物與

錢尚書有經數觀察使牒州徵民錢倍經君曰

刺史可為法不可貪官害民留噤不肯從竟以

代觀察使使劇吏案簿書十日不得毫毛罪
改河南令而河南尹適君平生所不好者君年
且老當日日拜走仰望階下不得已就官數月
大不適即以病辭免公卿欲其一至京師君以
再不得意於守令恨曰義不可更辱文奚爲於
京師間竟閉門死年六十

以祭文考之張署
以元和十二年卒

君

娶河東柳氏女二子昇奴胡師將以某年某月
某日葬某所其兄將作少監者請銘於右庶子
韓愈愈前與君爲御史被讒俱爲縣令南方者
也最爲知君銘曰

誰之不如而不公卿奚養之遠以不久生惟其
頡頏以世厥聲

鳳翔隴州節度使李公墓誌銘

開國父寶臣見藩鎮傳寶臣三子惟岳
惟誠惟簡寶臣死軍中推惟岳為留後

德宗不許遂與田悅李正己謀拒命於
是張孝忠朱滔討之傳首京師初惟岳

叛惟簡以家僮百人奉母奔京師帝拘
于客省及出家僮百人奉母奔京師帝拘

鄭曰尔父立功河朔位宰相身未嘗至
京師兄死於人手入朝未識天子不能

效忠吾不子矣督其行曰而能死王
事吾不朽矣乃斬關出道更七戰得及

行在

公諱惟簡字某司空平章事贈太傅之子太傅

初姓張氏肅宗時舉恒趙深冀易定六州戰卒五萬人馬五千疋以歸聽命天子嘉之賜姓曰

李更其名曰寶臣立其軍号曰一字無成德由是

姓李氏

唐傳云李寶臣字為輔本范陽內屬奚也范陽將張鎮高畜為假子故冒其姓

名忠志

後事安祿山思明即位至恒州刺史及思明死挈六州以獻肅宗即拜為節度使名其軍

曰成德

賜姓及名遂有六州地雄冠山東後進封隴西郡王又拜同中書門下平章事德宗立

拜司空

太傅薨公兄弟讓嗣公竟棄其家自歸京

師及兄死家覆有司設防守德宗如奉夫守卒

出公即馳歸與母韓國夫人鄭氏拜訣屬家徒

隨走所幸道與賊遇七鬪乃至有功遷太子諡

德加御史中丞從幸梁州天黑失道識焦中人

聲

焦姓中
人官者

得見德宗於盤屋西

盤屋音周至
縣屬京兆

上

曰卿有母可隨我耶曰臣以死從衛及幸還錄

功封武安郡王號元從

才用切

功臣圖其形御閣

而以神威將軍爲

居一作

北軍衛久乃加御史大

夫丁韓國憂去官累遷神威大將軍加工刑二

曹尚書天威統軍又改戶部尚書金吾大將軍

有長上

一作尚

萬國俊者以軍勢奪興平人地吏

憚莫敢治及公爲金吾興平人曰久聞李將軍

爲人公平庶能直吾屈即賁縣牒來見公發視

立杖國俊廢之以地還興平人聞者莫不稱嘆
於是天子以公材果可任用治人將兵無所不
宜元和六年即以公爲鳳翔隴州節度使戶部
尚書兼鳳翔尹隴州地與吐蕃接舊常朝夕相
伺更入攻抄人吏不得息公以爲國家於夷狄
當用長筭邊將當承上旨謹條教一作務蓄財穀
完吏農力以俟不宜規小利起事盜恩禁不得
妄入其地益市耕牛鑄鉏鉏鄠以給農之不
能自具者鉏音博鉏類鉏也鉏山鑒切大鎌也鉏牀魚切或作鉏鄠陟王切鉏也
丁壯愈一作興勵歲增田數千萬畝連八歲五種

俱熟公私有餘販者負入褒斜舡循渭而下首

尾相繼不絕三秦記曰褒斜漢中谷名南谷十

三年公與忠武軍節度使司空光顏李邠寧節

度使尚書金備及郎度鳳翔王適皆為之伏

俱來朝上為之燕三殿張百戲公卿侍臣咸與

音既事勅還公因進曰臣幸宿衛四十餘年今

年老許外任不勝慕戀願得死輦下天子加慰

遣焉還鎮告疾其夏五月戊子薨年五十五計

至上悼愴罷朝遣郎中臨弔贈尚書左僕射以

其年十一月景申葬萬年鳳棲原夫人博陵郡

崔氏河陽尉鎬之孫大理評事可觀之女賢有
法度公有四子長曰元孫三原尉次曰元質
之濠陽尉曰元立興平尉曰元本河南叅軍皆
愿敏好善元立元本皆崔氏出葬得日嗣子元
立元本昆弟四人請銘於韓氏曰先人嘗有託
於夫子也愈曰太傳功在史氏僕射以孤童有
紆囚羈京師卒能以忠爲節自顯取爵位立名
績使天下拭目觀一作視父母與榮焉既忠又孝
法宜爲銘銘曰

太傳之顯自其躬興僕射童羈孰與之朋遭國

之難以節自發致其勤艱以復考烈孝由忠立
爵名隨之銘此玄石惟昧之詒

少府監胡公墓神道碑

牛僧孺作墓誌陳鴻作誌文張籍作行狀
胡珙謚良公此碑元和十四年
作歐公集古錄有胡良公碑云良公
者韓之門人張籍妻公也碑云珙子廷
迺巡遇述迂造而舊本無巡流俗所傳
本又云遇或為巡者皆非也當以碑為

正焉

少府監胡公者諱珙字亮字潤博年七十九以

官卒明年七月

石本云明年八月十四

葬京兆奉先夫人

天水趙氏祔焉其子廷

石本有迺字下云巡邁

述遷造與公壻廣文博士吳郡張籍以公之族

出處

一無處字

文行治

石本云族出行治

歷官壽年為書使

人自京師南走

音

八千里至閩南兩越之界上

請為公銘刻之墓碑於潮州刺史韓愈曰胡姓

本自安定

涇州為安定郡

後徙清河清河

石本無下清河字

於

今為宗城屬貝州大父諱秀武后時以文才徵

為麟臺正字

武后初授秘書省為麟臺一曰麟閣正字掌刑正文其官實

輕重與校書郎同

父宰臣用進士卒官平陽冀氏令

州

為平陽郡贈潭州大都督公早孤能自勸學立節

非其身力不以衣食凡一試進士二即吏部選

皆以文章占上第樂石本作為儉勤自刻削不干

人以矯時弊及為富平尉富平縣屬京兆府一府稱其

斷决建中四年侍郎趙贊為度支使薦公為監

察御史主餽餽餉也音求位切本作饋給渭橋以東軍謂李晟也

見景傳洗手奉職不以一錢假人賊平有司嚴考

羣吏多坐貶死獨公以清苦能檢飭無漏失遷

河南倉曹魏公賈耽以節鎮鄭滑以公佐觀察

使檢校尚書工部員外郎以剛直齟齬不阿齟齬

不相值也上在侶切下偶舉切忤權貴除獻陵令高祖陵也居陵下

七年市買田宅務種樹為業以石本無自給教

授弟子

石本

貞元十一年吏部大選以公考選

人藝學以勞遷奉先令

奉先縣屬京兆

以治辦

一作遷

尚書膳部郎中改坊州刺史州經亂無孔子廟

公至則命築宮造祭器率博士生徒

石本無講徒字

讀以時如法以祠人吏聚觀嘆息遷舒州刺史

州歲大熟麦一莖數穗閭里歌舞之考功以聞

遷尚書駕部郎中數以公事犯尚書李巽巽時

主鹽鐵事富驕恃勢以語宰相

石本作丞相

由是退

公為鳳翔少尹巽死遷少大理改少詹事元和

十二年朝廷以公年老能自祗力事職

言公雖老其力

之所及尚能祗勤懈不懈可嘉拜少府監兼知內

中尚前漢志少府掌山海池澤之稅名曰禁錢

軍國之用少府以養天子天子曰少府諸侯曰

私府通典曰隋置監唐因之掌五尚中尚者周

官為王府秦置尚方令大唐省方字有明年以

中左右三尚中尚掌供內營造雜作病石本無卒公始以進士孤身旅長安致官九

卿為大家七子皆有學守女嫁名人年幾八十

堅悍不表事可傳載可為石本成德銘曰

謁謁胡公既果以方挾藝射科每發如望望音

人求於人我已為之自始訖終不降色辭唐制

先薦舉而後就試不因官立事隨有可載發跡

降色辭無求於人也

龔運

石本作軍

遭讒府介

府介謂觀察副使也

去居陵下為吏

為隱

老時為周柱史人号為吏隱王族瑒詩曰小隱隱林藪大隱隱朝市伯夷竄首陽老

明史

坊舒之政于茲有歎守官駕部名外石本作昇

已屈躋于少府甚宜秩物不配其有君子恥之

少府古卿公優止之刻文碑石以顯公行維彼

石本作公辨證云古人作文用字之法可見於此

後人無怠嗣慶音知事見

劉昌裔墓誌

故相權公墓誌銘

唐史有傳

上之元和六年其相曰權公諱德輿字載之其

本出自殷帝武丁武丁之子降封於權權江漢

間國也周襄入楚為權氏楚滅徙秦而居天水

略陽宰相世系曰權氏出自子姓商武丁之裔孫封於權其地荊州當陽縣權城是也楚

武王滅權遷於那處其孫因以為氏秦滅楚遷大姓於隴西因居天水秦州為天水郡荊

秦之王中國其臣有安丘公翼者有大臣之言

晉書載記符洪傳曰符音蒲氏姓始其家池中蒲生五丈五節如竹形或謂蒲家因以為氏至

其孫堅背有赤文隱起成字曰輔付遂改姓符氏翼字子良為前秦右僕射封安丘敬公止堅

俱為晉翼洛陽人與太原薛讀後六世至平

涼公文誕為唐上庸太守荊州大都督長史焯

有聲烈焯明也職略切與平涼曾孫諱憺贈尚

書禮部郎中以藝學與蘇源明相善卒官羽林

軍錄事參軍於公為王父按宰相世系文誕生

特生無音垂春明退朝錄云唐相止贈一代權

德與罷相為檢校吏部尚書興元節度使自潤

州改葬其父於東都亡租之域其祖儒終方州

林軍因表納檢校吏部尚書兼御史大夫請回

特贈儒一官認不許納官郎中生贈太子太保諱

臯以忠孝致大名去官累以官徵不就追謚貞

孝是實生公臯字士翽李華為墓表事見唐文粹公在相位三年

其後以吏部尚書授節鎮山南年六十以薨贈

尚書左僕射謚文公謚法曰道德公生三歲知

變四聲四歲能為詩七歲而貞孝公卒來弔哭

者見其顏色聲容皆相謂權氏世有其人及長

好學孝敬祥順貞元八年以前江西府監察御

史徵拜博士

本傳云從江西觀察使李兼府為判官德宗聞其名召為太常博士

以得人相慶改左補闕章奏不絕譏排姦佞與

陽城為助

謂裴延齡

轉起居舍人遂知制誥凡撰命

詞九年以類集為五十卷天下稱其能

為揚嗣復

文集序云公登朝為起居舍人改駕部貞外郎授司勳郎中遷中書舍人九四任九年專掌詔

誥大則發德音修典冊酒朝廷之利澤增盛德之形容小則褒才德叙官業分別流品申明勸

誠誠直溫潤真王者之言公自纂錄為制集五十卷託於友人湖南觀察使楊公憑為之序德

與以書答

憑見文書解

十八年以中書舍人典貢士拜尚書

禮部侍郎

元據言曰俊秀等科舊皆考功主之開

囑請及有吏議求者莫不允從由是庭議以省郎位輕不足以臨多士乃命禮部侍郎專知焉

薦士於公者其言可信不以其人布衣不用即

不可信雖大官勢人交言一不以綴意奏廣歲

所取進士明經在得人_{不以負拘轉戶兵吏三}

曹侍郎太子賓客

元和四年閏月丁卯立鄧王寧為皇太子以德輿為賓客

復為兵部遷太常卿天下愈推為鉅人長德

丈時天子以為

音干偽切下為之不御為上言為吾行皆同

宰相宜

參用道德人因拜禮部尚書同中書門下平章

事

元和五年九月丙寅日拜相八年正月辛未罷

公既辭謝不許其所

設張舉措必本於寬大以幾教化多所助與維

匡調娛不失其正中於和節不爲聲章因善與

賢不務主已

已上數事皆太平宰相之體非應變排難之術也中於和節謂若和

鸞之相應動不失節也左傳咸哀伯之言曰錫鸞和鈴昭其聲也三辰旂旗昭其明也文物以

紀之聲明以章之以臨照百官中音丁仲切以吏部尚書留守東都

東方諸帥有利病不能自請者公常與疏陳以

露布復拜太常轉刑部尚書考定新舊今式爲

三十編舉可長用其在山南河南勤于選付治

以和簡人以寧便以疾求還十三年某月甲子

薨于洋之白草奏至天子痛傷爲之不御朝郎

官致贈錫官居野處上下弔哭皆曰善人死矣
其年某月日葬河南北山在貞孝東五里公由
陪屬外列年除歲遷以至公宰人皆喜聞若已
與有無忌嫉者于頔坐子殺人失位自囚頔子敏誘

梁正言家奴支解之事見頔傳

親戚莫敢過門顧省者在朝莫

敢言者公將留守東都爲上言曰于頔之罪既

貫不竟

貫貸也言貸其死罪而不窮竟也貫音始制切

宜因賜寬詔上

曰然公爲吾行諭之頔以不憂死前後考第進

士及庭所策試士踵相躡爲宰相達官與公相

先後其餘布處臺閣外府凡百餘人

嗣復又云貞元中

詔考定賢良草澤之士昇名者十七人及為禮
部侍郎擢進士第者七十有二人為鳳杞梓舉
集其門登輔相之位者前後十人非精識洞鑒
其詞而知其入何以臻此因話錄權文公身不
由科第掌貢舉三年門生所出諸生自始學至
相繼為公相得人之盛時論居多
疾未嘗一日去書不觀公既以能為文辭擅聲
於朝多銘卿大夫功德然其為家不視一作薄
書未嘗問其有亡費不待餘公娶清河崔氏女
其父造常相代宗號為名臣既葬其子監察御
史璩音求於切璩子璩擢進士歷監察御史
挾寵以易博士在博林璩與舍人高元裕給事
中鄭肅連章劾訓傾復陰巧且亂國不宜入禁
中不聽及宗閔貶璩屢表辨解出為閬中刺史
徙鄭州誅訓時人多璩明禍福大休能世其家

權氏世有其人宜哉纍然服喪有請禮記曰喪容纍乃作

銘文曰

權在商周世一作非無不存滅楚徙秦嬴劉之間

甘泉始侯以及安一作商丘詆訶浮屠皇極之扶

符堅命沙門道安同輩翼諫曰天子法駕侍中陪乘進止有度道安幾士不宜參機神與此詆

訶浮圖世貞孝之生鳳鳥不至爵位豈多半途已稅

壽考豈多四十而逝惟其不有以惠厥後是生

相君為朝德首行世祖之文世師之流連六官

出入屏毗無黨無讎舉世莫疵人所憚為公勇

為之人所競馳公絕不窺孰克知之德將在斯

刻詩募碑以求厥垂

平淮西碑

并序

奉勅撰

唐史裴度伐蔡以太子右庶子韓愈為
行軍司馬帝美度功即命愈為平淮西
碑補宣慰處置使公以八月率臣裴度為
在西宣慰處置使公以八月率臣裴度為
行軍司馬蔡平十二月隨度還朝以功
授刑部仍詔撫碑公以吳元濟之平由
度能固天子意得不赦故諸將不敢首
亂卒擒之多歸度功而李愬特以入蔡
功居第一愬妻唐安公主女也出入禁
中許碑文不實帝亦重悟武臣心詔斷
其文更命學士段文昌為之事見舊史
公傳補史則書吳元濟傳中并載其碑
文而羅隱乃為石烈士說石孝忠者事
李愬為前駢蔡平天子詔韓刑部撰平
蔡碑將以大丞相功業于蔡州孝忠熟
視怒推其碑僅傾者再三吏執下獄孝

忠度盡死無以明愬功因以物星拉殺
一史事聞天子怒詔械送闕下上面詰
之孝忠曰臣事愬久平蔡之日實左軍
前且吳秀琳蔡姦賊也而愬降之李祐
蔡旆將也而愬擒之蔡之瓜牙脫落於
是矣及元濟縛丞相猶未如今紀功盡
歸丞相而愬第與諸將等臣不推碑無
以爲吏摘臣不殺吏无以見陛下臣死
不恨請就刑憲宗義而赦之命曰烈士
因命段文昌爲之焉國公嘉話又載此
碑忽流汗成泥不十日而磨碑之使至
嘉話頗涉怪而隱所書與史異其後命
段文昌爲之則一也且史臣以往度爲
難難矣然憲宗能之至是功臣以往度爲
明反欲歸之愬其與高祖喻指蹤以不明
蕭相之功有間矣子以是知憲宗之不
克終也文昌文見姚鉉文
梓矣公作不待較而明矣

天以唐克肖其德聖子神孫繼繼承承於千萬

年敬戒不怠全付所覆四海九州罔有内外悉

主悉臣詩話曰卿子厚謂韓退之平淮西碑猶有碑帽子僕若為之便說用兵伐蔡事

以謂此文入相輕也公言天之所命唐之積累涵養之厚以致憲宗勃然中興此與大

雅早麓下武縣詩之類同義觀其末章曰始議伐蔡御史莫隨既伐四年小大並疑不赦不疑

由天子明力此此蔡功惟斷乃成宗元浮淺安能道得如此句觀平淮雅優劣自見高祖

太宗既除既治高宗中睿休養生息至于玄宗

受報收功極熾而豐物衆地大孽牙其間言安史之

亂始萌於此漢故乘傳曰十圍之木始生如藥頰師古曰言若藥之生牙也肅宗代

宗德祖順考以勤以容大慝適去稂莠不稗言

史既諄諄臣叛將甚分布處列為藩鎮此稂莠不稗也漢王符論曰養稂莠者傷禾稼惠姦先

者賊良民音郎酉蔣蔣茶蔣注云去除也相臣將臣文恬

武嬉習熟見聞以為當然眷聖文武皇帝既受

羣百朝乃考圖數貢曰考圖籍之廣狹嗚呼天

既全付予有家謂以四海為家也今傳次在予予不能

事事其何以見經旬于郊廟群臣震懼奔走率

職明年平夏楊處又明年平蜀劉又明年平江

東鏘又明年平澤潞劉從諫遂定易定張茂昭致魏

博具衛澧相田弘正無不從志皇帝曰不可究武

予其少息九年蔡將死蔡人立其子元濟以請

不許唐藩鎮傳曰李希烈叛其將吳元誠為盡力及希烈死推陳仙奇主後務既又殺之

衆乃共推少誠德宗因授以中光蔡等州節度

元和中四年死弟少陽代之九年死子元濟繼命

此傳三姓遂燒舞陽犯蔡襄等城以動東都

四將也

城一縣屬汝州北至河南府登封縣一百一十

里放兵四劫皇帝歷問于朝一二外臣

曰蔡帥之不庭授于今五十年傳三姓四將其

樹本堅兵利卒頑不與他等因撫而有順且無

事大官臆決唱聲萬口和附并爲一談

併牢不可破皇帝曰惟天惟祖宗所以付任予

者庶其在此予何敢不力況一二臣同不爲無

助

言伐蔡之事惟一二曰光顏李光顏曰某曰

大目上同帝意也

京之汝為陳許帥維是河東魏博邵陽邵陽閭切三

軍之在行者汝皆將之曰重胤鳥汝故有河陽

懷今益以汝維是朔方義成陝益鳳翔延慶七

軍之在行者汝皆將之曰引韓洪時以汝以卒

萬二千洪墓誌作屬而子公武集一有往討之曰

文通李汝守壽維是宣武淮南宣歙浙西四軍

之在行子壽者汝皆將之曰道古李汝其觀察

鄂岳曰趙李汝帥唐鄧隨各以其兵進戰曰度

裴汝長御史其往視師本傳云憲宗以度為御

行營諸軍還奏攻取策與帝意合中丞為臺長

故曰長御史長丁文切命此六將同時而出故

曰各以兵進戰
時元和九年也
曰度惟汝予同遂相予以賞罰

用命不用命
死所以權紀末張王室弱常憤懼無

比及疾愈詔無須宣政衙即對延英拜中書侍郎同中書門下平章事方連諸道兵環挈不解

內有大恐人累息及度當國內外始安由是計蔡益急按唐年表元和十年六月癸卯武元衡

為盜賊殺乙丑度以御史中丞相賞罰曰引汝用命此所謂廟堂制勝策之上者也

其以節度都統討軍
止遣其子公武會伐蔡都統

而引不自躬行留屯以沮遏北寇故曰節度而

又曰都統以見其不商汴鎮也故與下議度其

往者曰守謙汝出入左右汝惟近臣其往撫師

梁守謙官者時為監軍時諸道兵悉中官監統

自處進退度至郾城奏一切罷之使得專制惟

留守謙故号曰度汝其往衣食讚予士無飢

無寒以既厥事遂生蔡人賜汝節斧通天御帶
衛卒三百九茲廷臣汝擇自從惟其賢能無憚
大吏庚申予其臨門送汝宰相李逢吉王涯達
言餉億煩匱且休師
惟度請身督戰誓不與賊偕存即拜門下侍郎
平章事彰義軍節度淮西宣慰招討處置使時
元和十二年七月丙辰也度以韓弘領都統乃
上還招討以避引然實行都統事於是表馬摠
為宣慰副使韓愈行軍司馬李正封馮宿李宗
閔備兩使幕府及行御通化門臨遣賜通天御
帶發神策騎三百為衛日昔漢黯在朝淮南
寢謀憲宗之初相度也欲以震服淮蔡既而負
固不悅諸將亦顧望養寇以自豐故復令曰御
督戰所以一篇之中見於命變者三也
史予閔士大夫戰甚苦自今以往非郊廟祠祀
其無用樂顏胤武合攻其北大戰十六得柵城

縣二十三降人卒四萬道古攻其東南八戰降
卒萬三千再入申破其外城文通戰其東十餘
遇降卒萬二千愬入其西得賊將謂李輒釋不
殺用其策戰比叱志有功此已上皆是度未十
二年八月丞相度至帥都統引責戰益急顏胤
武合戰益用命稱丞相度都統引者以見軍律
引雖為都統然顧望不喜諸將有功方度之未
出也遣愈乘遽先往諭遣以伐其謀引懼即日
上道先度而往故愈有詩曰司徒東鎮馳書謁
丞相西來走馬迎兩府元臣方轉密一方通寇
不難平司徒謂元濟盡并其衆迴曲以備十月
引丞相即度也壬申愬用所得賊將白文城因天大雪夜馳百

二十里

樓李愬傳元和十一年十月已卯夜起師今言壬申傳誤也文城柵欄名也

用夜半到蔡破其門取元濟以獻盡得其屬人

卒

唐史帝紀十月癸未克蔡州按宣室誌曰裴晉公往征吳元濟至境因發地得石刻有雞

未肥酒未熟之語解之者曰雞未肥無肉也酒未熟無水也酒去水為酉破賊之期其在巳酉

乎後平賊果以是日辛巳丞相度入蔡以皇帝

命赦其人淮西平大饗賚功師還旬錄之日因

以其食賜蔡人凡蔡卒三萬五千其不樂為兵

願歸為農者十九悉縱之斬元濟于京師李翱

記曰憲宗元和元年十一月十一日斬李錡劉闢西川之亂元和二年十一月一日斬李錡

元和十二年十一月一日斬吳元濟冊功引力

侍中翹為左僕射帥山南東道顏胤皆加司空

公武以散騎常侍帥鄜坊丹延道古加散騎常

侍一作道古進大夫丞相度朝京師道封晉國

公進階金紫光祿大夫以舊官相劇談錄曰晉

洛中嘗乘蹇驢入皇城方上天津橋時淮西不

庭已數年矣有二老人倚橋柱而立語去蔡州

用兵日久徵發甚困於人未知何時去稍遠觀

度驚愕而退有僕者携書囊後來相去稍遠聞

老人云適憂蔡州未平須待此人為將既歸僕

者具述其事度曰見我龍鍾相戲耳其秋東府

鄉薦明年及第洎秉鈞衡朝廷議授吳元濟節

鉞既而延英奏對憲宗問宰相度奏曰奸臣跋

扈四十餘年聖朝姑務舍洪益慮周傷一境不

聞歸心効順乃欲坐據一方若以節旌授之翻

恐恣其兇逆以陛下聰明神武藩鎮皆願勤王

臣請一詔追兵可以平蕩妖孽乃命度為淮西

節度使興師致討時許滑三帥先於郛城縣屯
軍度統精甲五萬會之受律鼓行而進直造蔡
州城下緣兩月擒賊以獻淮西遂平後入朝居
廊廟六拜正司徒為侍中中書令儒生武德震
耀古今泊留守洛師每以其副揔為工部尚
書

書領蔡任既還奏群臣請紀聖功被之金石皇

帝以命臣愈臣愈再拜稽首而獻文曰孫覺喜

淮西碑叙如書銘如詩東坡謂杜詩韓文
頗書左史皆集大成者也見陳師道詩話

唐承天命遂臣萬方孰居近土龍襲盜以往往在

玄宗崇極而圯河北悍驕河南附起四聖不宥

肅代屢興師征有不能剋益戍以兵夫耕不食

婦織不裳輸之以車為卒賜糧外多失朝曠不

岳狩此以戰國為喻也言諸侯驕慢既廢朝觀之禮王室微弱亦無方岳之會見范甯春秋

傳秋百隸怠官事忘其舊帝時繼位顧瞻咨嗟惟

汝文武孰恤予家既斬吳蜀旋取山東魏將首

義六州降從淮蔡不順自以為強提兵叫譴欲

事故常始命討之遂連姦鄰陰遣刺客來賊相

臣王承宗李師道二鎮謀緩蔡兵乃伏盜京師刺用事文臣已害宰相武元衡又擊度傷首

賊意已死亡去續命錄云憲宗拜裴度為御史中丞上意推重人情翕然明年夏六月東平帥

李師道包藏不軌畏朝廷忠臣有賊殺宰相意竊遣人由京師靖安東門禁衛街候相國武元

衡仍聞中傳聲大呼云往驛前取中丞相裴某頭是時京師始重楊州擅權前一日廣陵帥獻

公新樣者一枚公翫而服之將朝燭下既擲乃取其蓋張焉道馬出坊之東門賊掩至唱殺聲

厲賊遂揮刀中帽賊請公已喪元矣掠地求其
墜頰甚駭乘王義還回轡以身蔽公賊知公全
再以刀擊義斷臂且死度賴帽子頂厚經刀處
微傷如線數寸旬日如平常因史補云王義即
裴度之隸人也扞刀而死度由是獲免乃自為
文以祭厚給其妻子是歲進士撰王義傳者十
二三方戰未利內驚京師群公上言莫若惠來

帝為不聞與神為謀乃相同德以訖天誅

臣懲艾前敗皆請罷兵柔惠以來之惟憲宗斷然不聽卜之於神并相裴度以極其誅也相息

亮相切下乃勅顏胤勣武古通咸統於引各奏汝

功三方分攻五萬其師大軍北乘厥數倍之嘗

兵時曲軍士蠢蠢既剪凌雲蔡卒大窘

時曲復與重胤合攻勝之邵陵郾城來降

通典曰鄆城縣屬蔡州漢舊縣也又有自夏及古鄆陵城在今縣東即齊侯盟會所

秋復屯相望平聲兵頻不勵告功不時帝哀征

夫命相往釐士飽而歌焉騰於槽試之新城賊

遇敗逃盡抽其有聚以防我西師躍入道無留

者初帝怒諸將無功詔督戰斤金帛募死士諸將乃用命又詔起汝陰集騎濟師度為軺義

節度中光蔡四面行營招撫使梁守謙與諸將

計先度未至立功諸將戰克故元濟悉眾以拒回

感敵將李祐為勳謀以精騎乘虛夜襲蔡禽元

曲戰將李祐為勳謀以精騎乘虛夜襲蔡禽元

齊以額額蔡城其疆千里既入而有莫不順俟

帝有恩言相度來宣誅止其魁釋其下人蔡之

卒夫投甲呼舞蔡之婦女迎門笑語蔡人告飢

舡粟往哺蔡人告寒賜以繒布始時蔡人焚采

往來今相從戲里門夜開始時蔡人進戰退戮

今盱而起左餐右粥盱晚居案切爲之擇人以

收餘餼謂以馬摠爲留後也選吏賜牛教而不稅蔡人有

言始迷不知今乃大覺羞前之爲蔡人有言天

子明聖不順族誅順保性命汝不吾信視此蔡

方孰爲不順往斧其吭吭咽也凡叛有數言不

人而聲勢相倚吾強不支汝弱奚恃其告而長

而父而兄奔走偕來同我太平淮蔡爲亂天子

伐之既伐而飢天子活之始議伐蔡卿士莫隨

既伐四年小大並疑不赦不疑由天子明凡此

祭功惟斷乃成既定淮蔡四夷畢來遂開明堂

坐以治之九域志曰文昌平淮碑文今在蔡州

憲宗命道士張某至竟縣於紫松宮寫本吳少

韓公平淮西碑本用德政舊碑是日汗流成泥

韓公平淮西使至令磨韓之作別刻豈偶然耶而

韓之文獨取重後世與堅志云陳珣字中玉鄭

裴晉公讀淮西碑乃段文昌所製者怪而問邦

人曰自韓文公碑刻石後為李愬卒所許以謂

不述想功然而專美裴度憲宗詔文昌別議能書者

久矣珣忿然不平即日磨去舊碑別議能書者

詩云韓文刻之議者莫不嘉陳之識補李義山

誦重翁者少謾之天子言其私長緡百尺拱一

倒幾沙大石相磨治東坡當於邸舍壁間見一

詩云淮西功德冠吾唐吏部文章日月光千載
斷碑人猶炙不知世有段文忠公曰此詩東坡
作蓋坡嘗作上清宮記蔡元度磨之別自書撰
故云耳曰荆公有和董伯懿詠裴晉公平淮右
將佐題名詩其略云退之道此尤俊偉當鏤王
牒東燭紫微詩其略云退之道此尤俊偉當鏤王
詩九此碑類非非也碑識所謂編之不咸公作其
以公此碑類非非也碑識所謂編之不咸公作其
愧而無矣

新刊經進詳補註昌黎先生文集卷第三十